



Faaydaalee Maqaalee fi Sifaata Rabbii beeku keessa jiran

Description

Shakkii hin qabu, beekumsi maqaalee fi sifaata (amaloota) Rabbii oltaâ€™aa beekumsa shariâ€™aa hundarra kabajamaa taâ€™e, kaayyoo hundarra qulqulluu fi olâ€™aanaa taâ€™eedha. Sababni isaas, wanta beekkamu hundarra kabajamaa taâ€™een waan wal qabatuuf. Kan hundarra kabajamaa taâ€™ee Allah (Azza wa jalla). Isa beekun, maqaalee fi sifaataa Isaa beekun beekumsa hundarra guddaa amantiiti. Fuula Isaa barbaadun kaayyoo hundarra guddaa taâ€™eedha. Isa gabbaruun (ibaadan) hojji hundarra kabajamaadha. Maqaalee fi sifaata Isaatiin Isa faarsun dubbii hundarra kabajamaa taâ€™eedha. Kuni hundee amantii Ibraahim haniifiyyah taâ€™eedha. (Haniifiyyah jechuun shirkii dhiisun Rabbiin qofa gabbaruudha. Kuni jecha biraatin Islaama) Shirkii dhiisun Rabbiin qofa gabbaruun (haniifiyyaan ykn Islaamni) amantii Ergamtoonni Rabbii hundi irratti walii galanii fi jechoonni isaanii wal fakkaataniidha. Gorsi fi ibsi ummata isaniitif godhanis kanuma ture. Inumaa wiirtuu amantiin isaanii irratti hundeefameedha.

Ergamtoonni gara Rabbii (Azza wa jalla) waamuun, karaa Isatti nama geessu ibsuun, Isa bira erga gahanii booda haala isaanii ifa gochuun ergaman. Kana ilaachise Ibn Al-Qayyim ni jedha: â€œDaawâ€™aan (waamichi) ergamtoota dhimmoota sadii irra naannaâ€™a: 1ffaa- maqaalee, sifaataa fi hojiwwan Isaatiin Rabbiin ummati beeksiisu, 2ffaa-karaa Isatti nama geessu beeku.Karaan kunis, zikrii Isaa, Isa galateefachuu, Isa gabbaruu (ibaada) jaalala guutuu fi Isaaaf of gadi xiqqeessu guutuu of keessatti hammateedha. 3ffaa-Erga Isa bira gahanii booda wanta issaaniif jiru isaanitti beeksisu. Qananiin guddaan isaan ganda kabajaa (Jannataatti) argatan Rabbiin isaan irraa jaallachuu, Inni isaanitti mulâ€™achuun isaaniis Isa arguudhaâ€™ (As-Sawaaâ€™iqu al-Mursilati 4/1489)

Haala Ergamaan Xumuraa (SAW) wanta garmalee guddaa barbaadamu kana ibse ilaachise Ibn al-Qayyim itti fufuun ni jedha: â€œErgamaan Rabbii (SAW) fiixe beekumsaa irra hanga humni isaanii gahuu dandaâ€™uun Gooftaa fi Gabbaramaa isaanii namoota barsiisee jira. Hanga Rabbiin beekuun qalpii warra amananii keessatti ifa taâ€™utti irra deddeebiâ€™uun, gabaabsu fi dheeressuun maqaalee, sifaataa fi hojiwwan Isaa barsiisee jira. Akkuma jiâ€™a (addeessa) guutuu taâ€™e irraa duumessi deemu, duumessi shakkii qalpii isaanii irraa hanga deemutti, [waaâ€™ee Gooftaa isaanii isaan barsiise]. Beekumsa kana ilaachise ummata isaatiif wanta biraatti akka hajaman bakka duwwaa hin dhiifnef.

Wanta isa duras taâ€™i wanta isa boodatti akka hajaman hin taasisne. (Kana jechuun Ergamaan Rabbii (SAW) waaâ€™ee Rabbii ilaachise haala guutuu fi ifa taâ€™een ummata isaatiif ibse jira. Waaâ€™ee maqaalee fi sifaata Rabbii beekuuf kitaabban Kiristaanaa fi Yahuudaa bira deemun hin barbaachisu. Ammas, falaasfa bira deemun hin barbaachisu. Kanaafu, Rabbiin haala sirrii taâ€™een beekuf Qurâ€™aanaa fi hadiisni ni gaha.) Rabbiin subhaanahu wa taâ€™aala ni jedha:

أَوْلَمْ يَكْفِهِمْ أَنَّا أَنْزَلْنَا عَلَيْكَ الْكِتَابَ يُتْلَى عَلَيْهِمْ إِذْكُرْ فِي
ذَلِكَ لِرَحْمَةً وَذِكْرَى لِقَوْمٍ يُؤْمِنُونَ ٥١

â€œKitaaba isaan irratti dubbifamu si irratti buusun Keenya isaan hin gahuu? Dhugumatti kana keessa ummata amanafiif rahmataa fi yaadannootu jira.â€ Suuratu Al-Ankabuut 29:51â€³
(Jalaaâ€™ul Afhaami- 285-286)

Kuni maaliif hin taane, Ergamaan Rabbii (SAW) akkana jedhanii osoo jiranu:
 Ù,ÙŽØ·Ù' ØªÙŽØ±ÙŽÙfÙ'ØªÙ·ÙfÙ·Ù Ø¹ÙŽÙ,ÙŽÙ‰ ØşÙ,Ù'Ø·ÙŽÙŠÙ'ØqÙŽØşØ;Ù·
 Ù,ÙŽÙŠÙ'Ù,Ù·Ù‡ÙŽØşÙfÙŽÙ†ÙŽÙ‡ÙŽØşØ±Ù·Ù‡ÙŽØşÙ,ØşÙÙÙŠÙŽØ²Ù·ÙŠØ'Ù·
 Ø¹ÙŽÙ†Ù'Ù‡ÙŽØşØ·ÙŽØ'Ù'Ø·ÙÙÙØÙ,ØşÙÙÙ'Ù‡ÙŽØşÙ,Ù·ÙfÙŒ
 â€œ[Daandii] ifaa halkan isaa akka guyyaa taâ€™e irratti isin dhiisee jira. Ana booda nama badu
 malee eenyullee karaa kanarraa hin jallatu.â€ Sunan Ibn Maajah 45

Ammas akkana jedha: “Ana dura nabiyyiin tokkoyyuu hin turre, ummata isaa gara kheeyri isaaniif beekutti kan qajeelchuu fi sharrii isaaniif beeku irraa kan isaan akeekachisu yoo taâ€™malee. ([Sahih Muslim 1844](#)) (Kana jechuun nabiyoonni hundu na dura dhufan, ummata isaanii gara wanta gaaritti ni qajeelchu, wanta badaa irraas ni dhoowwu. Kuni itti gaafatamummaa Nabiyyootati.)

Ummata isaa balâ€™innaan adaba (naamusa) nyaata fi dhugaati, naamusa mana fincaanii, manaa bahuu fi seenu barsiisee, waaâ€™ee Gooftaa isaanii ilaachise wanta arrabaan dubbatanii fi qalbiin amanan osoo hin barsiisin isaan dhiisun wanta hin dandaâ€™amneedha. Dhugumatti, Nabiyyiin waaâ€™ee Rabbii haala ifa taâ€™ee fi balâ€™innaan ummata isaa barsiisee jira. Sababni isaas, Rabbiin beekun beekumsa hunda caaleedha, Isa bira gahuun wanta garmalee barbaadamudha. Namootaaaf gammachuun, boqonnaan sammuu, tasgabbiin qalbii hin jiru yoo Rabbii isaanii beekanii fi Isa qofa gabbaran malee. Haala kanaan, kaayyoon guddaan barbaadan Isa taâ€™a. Zikriin Isaatii fi hojii gaggaarii hojjachuun gara Isatti dhiyaachun gammachuun ija isaaniiti, jirenya qalbii isaaniiti. Yeroma kana dhaban, haalli isaanii haala horii caalaa baayâ€™ee badaa taâ€™a.

Haala kanaan, Muslimni kabajaa fi sadarkaa beekumsi kuni qabu beeka. Beekumsi maqaalee fi sifaataa hundee gurguddaa keessaa hundee daawâ€™an (waamichi) Ergamtootaa irratti hundefamedha. Addunyaa fi Aakhiratti karaa tokkicha namni ittiin jabeefamu, fooyyefamu fi sadarkaan isaa itti olkaâ€™uudha. Namni qalbii isaa keessatti jirenya xiqqoo yookiin Goftaa isaatiif jaalala qabu, Fuula Isa barbaadu fi Isa qunnamuuf yaaddawu, beekumsa kana argachuuf garmalee fedha, hubachuu fi dabalachuu siritti carraaqa.

Rabbiin beekun wiirtuu gammachuun irra naannaâ€™u, fiixee olâ€™aanaa namni itti guuttamu, sadarkaa namni ittiin olkaafamu, qananii addunyaa fi Aakhirah itti argataniidha. Namni yeroo Rabbii isaa beekee Isa gabbaru, wanta Inni itti ajaje hojjatu fi wanta Inni irraa dhoowwe dhiisu, wantoota lamaan kanaan guutummaan isaa isaaaf mirkanaaâ€™a. Wantoonni lamaan kunniin: Rabbiin beekuu fi Isa qofa gabbaruudha. Namni wantoota lamaan kana yoo galmaan gahe, aklaaqni isaa ni guuttama, sadarkaa olâ€™aana irra gaha. â€œGooftaa ishii uumee beeku, Isa jaallachuu, Isa yaadachuu fi faarsu, karaa Isatti dhiyaatan barbaadu caalaa wanti garmalee ruuhin itti hajamtu hin jiru. Karaan kana itti argatan hin jiru maqaalee fi sifaata Isaa yoo beekan malee. Akkuma gabrichi maqaalee fi sifaata Isaa siritti beekun, Rabbiinis daran bara, ni barbaada, gara Isaatti dhiyaata. Faallaa kanaa immoo, akkuma inni maqaalee fi sifaata Rabbii jibbuu fi fudhachuu diduun, waaâ€™ee Rabbii daran wallaala, Isa biratti jibbamaa fi Isa irraa fagoo taâ€™a.â€

Jecha Rabbii oltaâ€™aa:

﴿إِنَّمَا يَخْشَىُ اللَّهَ مِنْ عِبَادِهِ الْعُلَمَوْا إِنَّ اللَّهَ عَزِيزٌ غَفُورٌ﴾

â€œGabroota Isaa keessaa beektota qofatu Rabbiin sodaata. Dhugumatti, Rabbiin Injifataa, Araaramaadha.â€ (Suuratu Al-Faaxir 35:28) ilaachise ibn Kasiir akkana jedha: â€œKana jechuun sodaa dhugaa kan sodaatan beektota Isa beekaniidha. Sababni isaas, akkuma Rabbii guddaa, beekaa fi sifaata guutuun ibsamu beekaniin Isa sodaatu. Akkuma Isa beekun guuttamuun, akkasuma Isa sodaachuun guddaa fi baayâ€™ee taâ€™a.â€ (Tafsiir ibn Kasiir 3/355)

Rabbiin beekun, Isa sodaachu, wanta baddaa irraa of eegu jabeessa. Ammas, qalbii keessatti Isa irraa waan gaarii kajeelu fi abdachuu guddisa, iimaanaa gabricha dabala. Gosoota ibaadaa baayâ€™ee akka hojjatan nama kakaasa. Beekumsa kanaan qalbii isaatiin gara Gooftaa isaa adeema, jaalala Isaa argachuuf bubbee caalaa fiiga. Bitaa fi mirga hin goru, jaalala Gooftaa argachuuf fiigu malee. Milkeessuun harka Rabbii jira. Rabbiin gargaarsifatan malee tooftaa fi humni namaaf hin jiru.

Guduunfaa

Barreefama armaan olii irraa faaydalee maqaalee fi sifaata Rabbii beeku haala kanaan guduunfun ni dandaâ€™ama:

1ffaaâ€“ Maqaalee fi sifaata Rabbii beekun karaa tokkicha Isatti nama geessudha- Qurâ€™aana keessatti ni jedha: â€œ**Rabbii malee dhugaan gabbaramaan biraa akka hin jirre beeki!**â€ (Suuratu Muhammad 47:19)

Rabbiin malee dhugaan gabbaramaan akka hin jirre beekuuf maqaalee fi sifaata Isaa beeku barbaachisa. Mushrikooni fi kaafironni dhugaadhaan maqaalee fi sifaata Rabbii osoo beekanii silaa wanta isaan hin fayyannee fi hin miine ni gabbaruu?

2ffaaâ€“ Maqaalee fi sifaata Isaa beekun hundee amantii fi jirenyati- Arkaana (hundee) iimaanaa jahan keessaa ni guddaan Rabbitti amanuudha. Osso waaâ€™ee Rabbii hin beekin arrabaan â€œAni Rabbitti amaneâ€ jechuu qofaan iimaanni hin taâ€™u. Kana irra, haqiqaan iimaanaa Rabbii itti amanan beeku, hanga sadarkaa yaqiina (mirkaneefannaa guutuu) irra gahuutti maqaalee fi sifaata Isaa beekuuf carraaqudha. Hangi iimaana isaa hanga Rabbii isaa beeku irratti hundaaâ€™a. Dhawaatuma maqaalee fi

sifaata Isaa caalatti beekun, Rabbii isaa beekun dabalamaaf, akkasumas iimaannis ni dabala. Dhawaatuma beekumsi kuni hirâ€™atuun iimaannis ni hirâ€™ata. Namni Rabbiin beeke wanta isaan ala jiru ni beeka. Namni Rabbiin wallaale, wanta Isaan ala jiru daran wallaala. Rabbiin subhaanahu wa taâ€™aala ni jedha:

â€œAkka warra Rabbiin dagannaan lubbuu isaanii isaan dagachiise hin taâ€™inaa. Isaan warra finciltootadha.â€ Suurat Al-Hashr 59:19

Yommuu namoonni kunniin Rabbiin dagatan, Rabbiinis akka lubbuu ofii dagatan isaan taasise. Lubbuu ofii dagachuu jechuun of fooyyessuu dagachuu, jirenya addunyaa tanaa fi Aakhiratti sababa adabbii jalaa nagaha isaan baasu dagachuu fi hojjachuu dhiisudha.

3ffaa-Beekumsi kuni qalbiif gammachuu, sammuuf boqonnaa, qaamaf fayyaa, jirenyaaf qananiidha-wanti guddaan namni jirenya tana keessatti barbaadu: gammachuu, boqonnaa sammuu, fayyaa fi qananiidha. Dhugumatti, karaan guddaan kanatti nama geessu Rabbiin beekuu fi Isaaf ajajamuudha. Qurâ€™aana keessatti:

ۚ

﴿مَنْ عَمِلَ صَلِحًا مِّنْ ذَكْرٍ أَوْ أُنْثَىٰ وَهُوَ مُؤْمِنٌ فَلَنُحْيِيهِنَّهُ وَ حَيَاةً طَيِّبَةً ۚ لَنَجْزِيَنَّهُمْ أَجْرَهُمْ بِأَحْسَنِ مَا كَانُوا يَعْمَلُونَ﴾ ﴿٩٧﴾

â€œDhiiras taâ€™ii dubartii irraa nama muâ€™mina (dhugaan kan amane) taâ€™ee dalagaa gaarii hojjate, dhugumatti jirenyaa gaarii isa jiraachifna. Mindaa isaaniis irra gaarii waan isaan dalagaa turanitiin isaan mindeessina.â€ (suuratu An-Nahl 16:97)

Namni muâ€™mina taâ€™u (dhugaan amanuu) fi dalagaa gaarii hojjatu kan dandaâ€™u, yoo maqaalee fi sifaata Rabbii beekedha. Ergasii, wanta itti ajajame yoo beekedha. Yoo inni/ishiin Rabbiin beekee amanee fi hojii gaggaarii hojjate/tte, jirenya gaarii isa/ishii jiraachisa. Jirenyi gaariin qabeenya baayâ€™een kan madaallamu osoo taâ€™in qalbii keessatti gammachuu fi tasgabbi, boqonnaa sammuu argachuudha. Nama meeqatu qabeenya qaba, garuu gammachu, tasgabbi fi boqonnaa sammuu hin qabu. Qalbiin yoo Gooftaa ishii beekte, yaadattee fi faarsite tasgabboofti. Qurâ€™aana keessatti ni jedha:

﴿٦٨﴾

﴿الَّذِينَ ءَامَنُوا وَتَطَمِّئُنُ قُلُوبُهُمْ بِذِكْرِ اللَّهِ أَلَا بِذِكْرِ اللَّهِ تَطَمِّئُ الْقُلُوبُ﴾

â€œIsaan warra amanii qalbiin isaani zikrii Rabbiitin tasgabbooftudha. Dhagaâ€™aa! Zikrii Rabbiitin qalbiin ni tasgabbofti.â€ (Suuratu Ar-Raâ€™ad 13:28)

Namoonni baayâ€™een zikrii ni godhu garuu tasgabbi waadaa galame hin argatan. Sababni kanaa maaliidhaa? Sababa kanaa bakka lamatti goodun ni dandaâ€™ama:

1ffaaâ€œHanqinna iimaanaa- Aayah armaan olii keessa yommuu ilaallu, â€œIsaan warra amanii..â€ jechuun jalqaba. Kanaafu, qalbiin kan tasgabboftu dhugaan yoo Rabbii fi arkaana iimaana hafanitti amananiidha. Kunis kan taâ€™uu maqaalee fi sifaata Isaa yoo beekaniidha.

2ffaa- Gaflaaâ€œ namni zikrii jedhu yoo itti hin xinxallin, zikriin hangas mara buâ€™uu isaaf hin buusu.

Garuu dammaqinnaa fi itti yaadun zikrii yoo godhe, tasgabbii ni argata. Kanaafu buâ€™aan zikrii iimaana, dammaqinnaa fi itti yaadu irratti hundaaâ€™a.

4ffaaâ€“ Maqaalee fi sifaata Isaa beekun karaa Rabbiin itti sodaataniidha-Akkuma aayah darbe keessatti argine, namoonni hundarra Rabbiin sodaatan beektota Isa beekaniidha. Rabbiin beekun gara Isa jaallachuutti, Isa kabajuutti, sodaachuutti, Isarraa kajeelu fi hojii Isaaf qulqulleessutti (ikhlaasatti) nama waama. Akkuma beekumsi kuni cimuun gabrichi Rabbiif harka kenna, Isaaf ajajama, wanta Inni dhoowwe irraa fagaata. Namoonni yeroo baayâ€™ee badatti kan kufaniif sifaata Rabbii waan wallaalaniif mitii? Qurâ€™aana keessatti, Yahuudota jecha Rabbii micciranii fi namoota karaa sirii irraa jallisanakkana jechuun waqqase:

 **أَوْلَا يَعْلَمُونَ أَنَّ اللَّهَ يَعْلَمُ مَا يُسِرُّ وَمَا يُعْلِمُونَ**

â€œRabbiin wanta isaan dhoksanii fi wanta ifa baasan akka beeku sila hin beekanii?â€ Suuratu Al-Baqarah 2:77

5ffaaâ€“ Maqaalee fi sifaata Isaa beekun karaa adabbii addunyaa fi Aakhirah jalaa nagaha itti bahaniidha- Jalqaba adabbiin namni addunyaa tana keessatti dhandhamu maalidha jennee yoo of gaafanne, adabbi keessaa fi adabbi alaa jennee bakka lamatti hiruu dandeena. Adabbiin keessaa adabbi qalbii fi sammuu namaatin wal qabatuudha. Qalbiin garmalee dhiphachuun, sodaachun, tasgabbii dhabuun, hirriba dhabuun, jeeqamuu fi kkf adabbi keessaati. Adabbiin alaa immoo adabbi qaamaa fi qabeenyaan wal qabataniidha. Dhibee qaamaa, reebamuu, qabeenyi barbadaâ€™uu fi baduu fi kkf adabbi alaati. Asitti wanti hubatamu qabu, wantoonni armaan olitti eerre kunniin hundi yeroo hundaa akka adabbiiti ilaallamu hin qaban. Eeti, yeroo garii qoruu fi barsiisuf wantoonni jibbaman armaan olii namatti buâ€™u. Nama badii hojatuuf wantoonni armaan olii yoo itti buâ€™an isaaf adabbiidha. Nama hojii gaarii hojjatuuf wantoonni armaan olii yoo itti buâ€™an isaaf qormata fi barsiisudha. Yoo obse sadarkaan isa olkaâ€™a. Kuni immoo isaaf adabbi osoo hin taâ€™in qananiidha. (Ilaali suuratu Al-Baqarah 2:155-157)

Adabbiin Aakhirah immoo garmalee cimaa kan taâ€™eedha. Innis ibidda. Kanaafu, adabbi addunyaa kan akka dhiphinnaa, sodaa, jeeqamu, dhibee fi kkf jalaa nagaha bahuu fi adabbi Aakhirah irraa baraaramuuf karaan guddaan maqaalee fi sifaata Rabbii beekuu fi Isatti amanuudha. Sababni isaas, namni yoo Rabbiin maqaalee fi sifaata Isaatiin beekee fi amane, wanta Inni itti ajaje ni hojjata, wanta Inni irraa dhoowwe ni dhiisa. Haala kanaan, adabbi Isaa jalaa nagaha baha. Rabbiin subhaanahu wa taâ€™aalaa ni jedha:

﴿مَا يَفْعُلُ اللَّهُ بِعَذَابِكُمْ إِنْ شَكَرْتُمْ وَكَانَ اللَّهُ شَاكِرًا عَلَيْمًا﴾

â€œYoo isin [Isa] galateefattanii fi amantan, Rabbiin isin adabuu irraa maal godhaa? Rabbiin Galateefataa Beekaa taâ€™eera.â€ Suuratu An-Nisaa 4:147)

Shukr (galateefachuu) jechuun qalbiin of gadi qabuu fi qananiin Rabbiin irraa akka dhufe amanuu,

arrabaan Isa faarsu, qaaman wanta Inni itti ajaje hojjachuu fi qananii Isaa badii ittiin hojjachuuf itti fayyadamuu dhiisudha.

Faaydaaleen maqaalee fi sifaata Rabbii keenyaa beekun tarreefame hin dhumu. Faaydalee isaa hanga kana erga beekne, barachuu fi wal barsiisuuf qophiidhaa miti ree? In sha Allah torbaan itti aanu irraa jalqabne maqaalee fi sifaata Isaa tokko tokkoon ilaalla.

Kitaaba Wabii:

[Fiqhu Al-Asmaaâ€™il Husnaâ€“](#) fuula 11-20, Abdurazzaaq bin AbdulMuhsin Badri

Date Created

August 3, 2019

Author

admin